



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

I. Disputatur de Amoso.

urn:nbn:de:hbz:466:1-16260

DE PROPHETIA AMOS.

I. Disputatur de Amoso. II. Probatur Prophetia Amosi
ἁγιωσύνης & antiquitatis.

Disputatur
de Amoso.
Epiph. de vit.
Proph.
Euseb. de loc.
Ebraic.
Hier. Procem.
in Amos, &
De loc. Ebraic.
Cyrill. Praef.
Enarr. in
Amos.
Zach. 14. 5.

Epiph. & Do-
roth. de vit.
Proph.

Probatur
prophetia A-
mosi ἁγιωσύνης
& antiqui-
tatis.
Amos 7. 8. &
seq.

Amos 8. 1. 2.

Hobb. Leviath.
cap. 33.

Tob. 2. 5. 6.

Amos 8. 10.
1. Mach. 1. 14.

Amos 1. 1.

Joël 3. 15.

Jer. 25. 30.

Joël 3. 18.

Amos 9. 13.

Amos 9. 4.

Jer. 44. 11.

Amos 4. 9.

Agg. 1. 18.

Act. 7. 43.

Amos 5. 25. 26.

I. DE Amoso certiora & liquidiora proferre licet, cum se pastorem Thecu-
tam, Ozia Regis Juda, & Jeroboami regis Israël ævo vaticinia protu-
lisse significet, biennio ante terræ motum. Thecuam locat Pseudo-Epiphanius in terra
Zabulon; sed refragantur Eusebius, Hieronymus, & Cyrillus, & ad Hierosolymorum
Aultrum sitam esse docent, nimirum in tribu Juda. Terræ verò motum eum esse, qui
tum contigit, cum Pontificale jus sibi arrogavit Ozias, & cuius meminit Zacharias,
consent Ebraei interpretes, & assentitur Hieronymus, & verisimillimum est. Hoc si
sit, jam Prophetiæ hujus tempus compertum habebimus. Vaticinandi munere ad Acha-
zum usque regem Juda functum esse Amosum Interpretes volunt, & non absurde pro-
bant. Sed & diutius etiam vivere, & futura prædicere per ætatem potuit, & Osee,
qui sub iisdem floruit regibus, pietatis esse & propheticorum minorum confors. Atque
hinc extabit ratio, cur Osee libro Librum hunc Græci interpretes adjunxerint. Nihil
autem attinet ea hic iterare, quæ attulimus supra, cum Amosum Isaia patrem alium esse
ac Amosum hunc Prophetam evinceremus. Crebras ei ab impio Bethelis sacerdotem
Amasia inflictas plagas, cum idolorum cultum summa libertate carperet, factem deni-
que ipsi ab Amasia filio illatam, elisis clava temporibus, narrant ἁγιωσύνης Epi-
phanius & Dorotheus.

II. Cum passim autem in suo prædictionum volumine de se ipse ἁγιωσύνης
differit Amos, tum maxime septimo capite: *Et dixit Dominus ad me; inquit, Quid
tu vides, Amos? Quibus ista subjicit, quæ quomodo ad Propheticum munus à Deo vo-
catus fuerit, exponunt: Misit Amasias sacerdos Bethel ad Jeroboam regem Israël: dicens,
Rebellavit contra te Amos. . . . Hæc enim dicit Amos, In gladio morietur Jeroboam, & Israël
captivus migrabit de terra sua. Et dixit Amasias ad Amos, Qui vides, gradere, & fuge in
terram Juda, & comede ibi panem, & prophetabis ibi, & in Bethel non adjicies ultra ut
prophetes, quia sanctificatio Regis est, & domus regni est. Responditque Amos, & dixit ad
Amasiam, Non sum Propheta, & non sum filius Propheta, sed armentarius ego sum, velli-
cans sycamoros; & tulit me Dominus cum sequerer gregem, & dixit Dominus ad me, Vade,
propheta ad populum meum Israël. Et sequenti capite: Hæc ostendit mihi Dominus Deus,
Ecce uncinus pomorum. Et dixit, Quid tu vides, Amos? Hæc clarissima sunt universis,
non tamen Hobbessio, qui hæc in Leviathane profari non dubitavit: Liber Amos,
prophetia ipsius est. An tamen ab eo scriptus sit, non apparet. Pro eo quoque testimonium
absque ulla ambage dicit Auctor libri Tobia, his verbis: Cumque occultasset corpus,
manducavit panem cum luctu & tremore, memorans illum sermonem, quem dixit Dominus
per Amos Prophetam: Dies festi vestri convertentur in lamentationem & luctum. En tibi ipsa
Amosi verba: Et convertam festivitates vestras in luctum, & omnia cantica vestra in plan-
ctum: quæ priore quoque Machabaico adhibita sunt: Sanctificatio ejus desolata est sicut
solitudo, dies festi ejus conversi sunt in luctum, sabbatha ejus in opprobrium. Ipsum quoque
Amosi exordium retulerunt Joël & Jeremias. Sic Amosus: Et dixit; Dominus de Sion
rugiet, & de Jerusalem dabit vocem suam: sic Joël: Et Dominus de Sion rugiet, & de Je-
rusalem dabit vocem suam: sic Jeremias: Et dices ad illos, Dominus de excelso rugiet, &
de habitaculo sancto dabit vocem suam. Id quoque Joëlis: Et erit in die illa, stillabunt
montes dulcedinem, & colles fluent lacte, & per omnes rivus Juda ibunt aquæ, & fons de
domo Domini egredietur, & irrigabit torrentem spinarum: ex hoc Amosi profluxit: Stillabunt
montes dulcedinem, & omnes colles culti erunt. Dixerat Amosus: Ponam oculos meos
super eos in malum, & non in bonum: dixit Jeremias: Ecce ego ponam faciem meam in vo-
bis in malum, & disperdam omnem Judam. Hoc Amosi dictum: Percussi vos in vento
urente, & in aurugine, multitudinem hortorum vestrorum & vinearum vestrarum, oliveta
vestra & ficeta vestra cecidit eruca, & non redistis ad me, dicit Dominus: sic ex-
pressum dedit Aggæus: Percussi vos vento urente, & aurugine, & grandine omnia opera
manuum vestrarum, & non fuit in vobis qui reverteretur ad me, dicit Dominus. Hæc quæ
à Stephano dicta sunt: Scriptum est in libro Prophetarum: Numquid victimas & hostias
obtulistis mihi annis quadraginta in deserto, domus Israël? Et suscepistis tabernaculum Moloch,
& sidus Dei vestri Remphan, figuras quas fecistis adorare eas: ipsissima Amosi verba sunt.*